



東坡集卷第二十六

表十六首 笏記附

謝除龍圖閣學士表二首

謝賜對衣金帶馬表二首

笏記二首

杭州謝上表二首

杭州謝放罪表二首

賀明堂赦書表二首

謝賜曆日詔書表二首

賀興龍節表一首



賀坤成節表一首

啓十一首

謝秋賦試官啓一首

謝南省主文啓五首

謝制科啓一首

賀揚龍圖啓一首

鳳翔到任謝執政啓一首

賀吳副樞啓一首

答許狀元啓一首

表十六首

謝除龍圖閣學士表二首

臣軾言伏蒙聖恩以臣累章請郡特除臣龍圖閣學士知杭州者中禁寶儲上應奎壁之象先朝謨訓遠同河洛之符隸職其間省躬非據臣軾誠惶誠恐頓首頓首伏念臣學非有得愚至不移雖叨過實之名卒無違用之器少時妄意蓋嘗有志於事功晚歲積憂但欲歸安於田畝屬聖神之履運荷識拔之非常猶冀桑榆之收遽迫火馬之疾力求閑散庶免顛擗豈謂 皇帝陛下聖度包荒天慈委照察其才有所短不欲強置之禁嚴知其進不由人故特保全其終始遂加此職以貴其行

臣敢不仰緣末光益勵素守往何之而不可中無愧之
為安但未死亡必期報塞臣無任感天荷聖激切屏營
之至

又

臣軾言伏蒙聖恩以臣累章請郡特除臣龍圖閣學士
知杭州者北扉清密久愧素餐內閣深嚴復膺殊寵以
榮為懼有覲在顏臣軾誠惶誠恐頓首頓首伏念臣賦
命數竒與人多忤遭遇 仁祖忝竊賢科繼蒙 英廟
之深知尤荷裕陵之見器而流離若此窮薄可知晚親
日月之光常恐餅壘之溢故求閑散以避災沴豈謂

太皇太后陛下天高聽卑坤厚載物愛惜臣下固無
異於子孫委任官師本不分於中外致茲衰病不失
清華然臣詞寵而益榮求閑而得劇雖云稍遠於爭
地尚恐終非其久安敢不磨鈍自脩履冰知戒庶全
孤節少荅殊私臣無任感天荷聖激切屏營之至

謝賜對衣金帶馬表二首

臣軾言伏蒙聖慈特賜衣一對金腰帶一條金鍍銀
鞍轡一副馬一疋者出筭之珍已華朽質解駮之賜
益耀衆觀顧惟何人亦被茲寵臣軾誠惶誠恐頓首
頓首伏念臣少而拙訥老益踈愚山野之姿非文繡

之所及疲驚之質雖鞭策以何加方祈冗散之安更
忝便蕃之錫此蓋伏遇皇帝陛下緝熙儒術固羅人
材不愛車服寵數之章使為吏民瞻望之美據鞍有
愧束衽知榮敢不奉以牧民永思去害之指施之大
邑庶無學製之傷臣無任感天望聖激切屏營之至

又

臣軾言伏蒙聖恩特賜衣一對金腰帶一條金鍍銀
鞍轡一副馬一疋者命服斯皇詩詠周宣之德康侯
用錫易稱王母之仁惠澤所加臣工知勸臣軾誠惶
誠恐頓首頓首伏念臣資材朽鈍學術空疎矧茲衰

病之餘豈復光華之美荷寵章之蕃庶人以為榮顧形
影之支離臣惟自愧此蓋伏遇 太皇太后陛下知人
堯哲徧物舜仁時遣拾遺補過之臣出為承流宣化之
任予衣安吉不待請而得之我馬虺隤蓋知勞而賜者
敢不勉思忠盡務報恩勤永惟廐庫之珍莫非民力無
忘獄市之寄以副上心臣無任

笏記二首

臣軾言隸職宸居承流闡寄自知衰朽有玷寵光此蓋
伏遇 皇帝陛下揔攬群材靡遺片善曲收頑鈍迭處
清華徒傾州木之心莫報乾坤之施臣無任

又

既塵美職復玷名藩榮寵過情省循知愧此蓋伏遇
太皇太后陛下仁均動植明燭幽微特示寵章以旌眷
遇恩勤莫報生死難忘臣無任

杭州謝上表二首

臣軾言伏奉制書除臣龍圖閣學士知杭州臣已於今
月三日到任上訖者始衰而病豈非滿溢之災乞越得
抗又過平生之望臣軾誠惶誠恐頓首頓首伏念臣起
自廢黜驟登禁嚴畢命驅馳未償萬一懷安退縮豈所
當然蓋散材不任於斧斤而病馬空糜於芻粟故求外

補以盡餘年豈期避寵而益榮求閑而得劇此蓋伏
遇 皇帝陛下副建中正緝熙光明無為蓋虞舜之
仁薦學有仲尼之智而臣猥以末技日奉講惟凜然
威光近在咫尺惟古人責難之意每不自量方陛下
好問之初遽以疾去推之理數可謂奇窮荷眷遇之
不移竊恩榮而愈重雖雨露之施初不擇物而犬馬
之報期於殺身臣無任

又

臣軾言伏奉制書除臣龍圖閣學士知杭州臣已於
今月二日到任上訖者入奉禁嚴出膺方面皆人臣

之殊選在儒者以尤榮臣軾誠惶誠恐頓首頓首伏
念臣受寵逾涯積憂成疾既思退就於安養又欲少
逃於滿盈仰荷至仁曲從微願江山故國所至如歸
父老遺民與臣相間知朝廷輟近侍為太守蓋聖主
視天下如一家鞭扑未施爭訟幾絕臣之厚幸豈易
名言此蓋伏遇太皇太后陛下天地之仁賢愚兼取
日月之照邪正自分每包函其愆迂欲保全其終始
兄弟孤立嘗親奉於德音死生不移更誓

堅於晚節
臣無任

杭州謝放罪表三首

臣軾言臣近以法外刺配本州百姓頽章頽蓋二人上

章符罪奉

聖旨特放罪者職在承宣當遵三尺之約

求事關利害輒從一切之便宜曲荷天慈不從吏議臣
軾誠惶誠恐頓首頓首伏念臣早緣別拙屢致憂虞用
之朝廷則逆耳之愆形于言施之郡縣則疾惡之心見
于政雖知難每以為戒而臨事不能自回苟非日月之
明肝膽必照則臣豈惟獲罪於今日久已見傾於衆言
恭惟 皇帝陛下睿哲生知清明旁達委任群下退託
於不能愛養成材惟恐其有過知臣欲去一方之積弊
須除二猾以示民特屈憲章以全器使臣敢不省循過
咎祗服簡書眷此善良自不犯於漢法時有貸捨用益

廣於堯仁臣無任

又

亂群之誅不請而決蓋恩威之無素致茲猾之敢行方
俟謹何豈期寬宥臣軾誠惶誠恐頓首頓首伏以法吏
經密蓋出於近年守臣權輕無甚於今日觀 祖宗信
任之意以州郡責成於人豈有不擇師帥之良但知繩
墨之馭若平居僅能守法則緩急何以使民顧臣不才
難以議此恭惟 太皇太后陛下寬仁從衆信順得天
推一身之至公納萬方於無罪而臣始終被遇中外蒙
恩謂事有專而合宜情無他而可恕故加貸括以示寵

綏朝廷之明粗以臣為可信吏民自服當不令而率俗
臣無任

賀明堂赦書表二首

臣軾言宗祀告成備累朝之盛典端門肆眚荅萬宇之
歡心凡有識知舉增抃躍臣軾誠歡誠喜頓首頓首竊
謂 祖宗恩信之所被譬如天地寒暑之不差將推作
解之仁必在當郊之歲恭惟 皇帝陛下憲章 六聖
左右三靈上帝眷而風雨時至人去而蠻夷服講明大
禮對越昊天懷柔百神嚮用五福大河脩復奏軌道於
東流藩邸顧懷錫鴻名於西府臣備真法從待罪守臣

想聞路寢之鼓鐘曾叨奉引嘉與海隅之草木同被恩私臣無任

又

臣軾言嚴配禮成民心知孝好生德洽天下歸仁凡蒙一洗之恩舉有惟新之喜臣軾誠歡誠抃頓首頓首伏以功存廟社而詞其禮德及草木而諱其名此聖人之所難幸微生之親見恭惟 太皇太后陛下勲高任妙道配唐虞顧惟致治於和平孰不歸心於保佑合宮均福畢備累聖之文會慶告成不居先后之位臣職叨禁從身遠闕庭既欣渙汗之私溥竊動植更喜譙光之美

獨冠古今臣無任

謝賜曆日詔書表二首

臣軾言伏蒙聖恩特賜臣詔書并元祐五年曆日一卷者論道調元雖大臣之職授時賦政亦郡守之常而臣供奉內朝便指一道居則代言而頌今出則勸民以務農沐此恩榮敢忘奉順臣軾 中謝恭惟 皇帝陛下文明憲古恭哲先天歷象教民本堯舜之智水旱罪已蓋禹湯之仁固將推廣其誠心豈特奉行於故事妾因歲首已宣布於王言孰謂民思咸識知於帝力臣無任

又

臣軾言伏蒙聖恩特賜臣詔書并元祐五年曆日一卷者竊惟稽古之君必以授時為急庶日不失日官既有常先時不及時罰在無赦申以丁寧之詔致其惻怛之誠習見頒行止謂有司之故事考其情實則本聖人之用心臣軾中謝恭惟太皇太后陛下元功在天盛德冠占順帝之則雖並用於恩威與物為春蓋同歸於仁厚而臣入奉講學出牧農民恭布詔書悉傳閭里庶德音之昭格致嗣歲之豐穰臣無任

賀興龍節表一首

臣軾言天佑民而作君惟德是輔帝王商而立享丁有開

必先納富壽於方來實兆基於茲日臣軾中賀恭惟皇帝陛下文思天縱聖敬日躋以若稽古之心上導王路行不忍人之政下酌民言神聽靖共天壽平格臣久塵法從出領郡符奉萬年之觴雖阻陪於下列接千歲之統猶及見於昇平草木之情日月所照臣無任

賀坤成節表一首

臣軾言仁惟天助壽不假於禱祈澤在民心言自成於雅頌恭臨誕月仰祝聖期雖凡庶之何知亦臣子之常分中謝恭惟太皇太后陛下儲神天地託國祖宗元勳本自於無心神智實生於至靜同守大器于茲六

年放億萬之羽毛未若消兵以全赤子飯無數之緇褐
豈如散廩以活飢民臣躬領郡符目覩茲事載瞻象闕
阻奉瑤觴嘉與海隅之人同罄華封之祝臣無任

啓十一首

謝秋賦試官啓一首

伏以聖人設文章之教本以御民君子在野田之間亦
學為政故知禮樂者可與言化通春秋者長於治人蓋
三代之所常行於六經可以備見事為之制曲為之防
使學者皆能明其心則天下可以運諸掌降及近世析
為二塗凡王政皆出於刑書故儒術不通於吏事惟其

所以治民者固不本於學而其所以為學者亦無施於
民遊庠校者悉朝廷讀法律者捐詩賦場屋後進挾聲
技以相夸王公大人顧雕蟲而自笑舊學無用古風遂
忘終始之意曾不相訟貴賤之間亦因遂闕下之士有
學古之志而無學古之功上之人有用儒之名而無用
儒之實顧茲媮弊常竊憫嗟苟非當世之大賢孰拯先
王之墜典伏惟某官才出間世志存生民曩在布衣能
通天下之務旋居要職又為儒者之宗明習政事而皆
有本原守持經術而不為迂闊世之系望上所深知輟
自朝聯付之文柄命題甚易而不肖者無所兼容用法

至寬而犯令者未嘗苟免觀其發問於策足以盡人之材欲聞先聖之心考其詩義深悲古學之廢訊以歷書條任子之便宜訪成均之故事不泥於古不牽於今非有苛碎難知之文將觀磊落不羈之士使天下知文章誠可以制治知聲律不足以入官失之者固因而自新得之者不至於捐舊平昔所歎於今遂忘軾才無他長學以自守為文病拙不能當世俗之心奏籍有名大懼辱賢人之舉翻然如界之羽翼追逸翮以並遊沛然如假之舟航臨長川而獲濟偶緣大庇粗遂一名方將區區於簿書米鹽間碌碌於塵埃楚之地雖識恩之所

自顧力報之未由感懼之懷不知所措

謝南省主文啓五首

歐陽內翰

右軾啓竊以天下之事難於改為自昔五代之餘文教
衰落風俗靡靡日以塗地 聖上慨然太息思有以澄
其源疏其流明詔天下曉諭厥旨於是招來雄俊魁偉
敦厚朴直之士罷去浮巧輕媚叢錯采繡之文將以追
兩漢之餘而漸復三代之故士大夫不深明天子之心
用意過當求深者或至於迂務奇者恠僻而不可讀餘
風未殄新弊復作大者鏤之金石以傳久遠小者轉相

摹寫號稱古文紛紛肆行莫之或禁蓋唐之古文自韓愈始其後學韓而不至者為皇甫湜學皇甫湜而不至者為孫樵自樵以降無足觀矣伏惟內翰執事天之所付以收拾先王之遺文天下之所待以覺悟學者恭承王命親執文柄意其必得天下之奇士以塞明詔軾也遠方之鄙人居碌碌無所稱道及來京師久不知名將治行西歸不意執事擢在第二惟其素所蓄積無以慰士大夫之心是以群嘲而聚罵者動滿千百亦惟恃有執事之知與衆君子之議論故恬然不以動其心猶幸御試不為有司之所排使得擢笏跪起謝恩于門

下聞之古人士無賢愚惟其所遇蓋樂毅去燕不復一戰而范蠡去越亦終不能有所為軾願長在下風與賓客之末使其區區之心長有所發夫豈惟軾之幸亦執事將有取一二焉不宣謹啓

王內翰

右軾啓竊以取士之道古難其全欲求侷儻超拔之才則懼其放蕩而或至於無度欲求規矩尺寸之士則病其齷齪而不能有所為進士之科昔稱淨剽本朝更制漸復古風博觀策論以開天下豪俊之塗精取詩賦以折天下英雄之氣使齷齪者望而不敢進放蕩者退而

有所裁此聖人所以罔羅天下之逸民追復先王之舊
迹元臣大老皆出此塗伏惟內翰執事天材俊麗神氣
橫溢竒文高論大或出於繩檢比聲協句小亦合於方
圓蓋天下望為權衡故明主委之黜陟軾之不肖與
在下風顧惟山野之見聞安識朝廷之忌諱軾亦恃有
執事以為小節之何拘執事亦將收天下之遺才觀其
大綱之所在驟置殊等寔聞四方使知大國之選材非
顧當時之所悅眇然陋器雖不能勝多士之喧言卓爾
大賢自足以破萬人之浮議方將奔走厥職厲精乃心
苟庶幾無朝夕之愆以辱知己亦萬一有毛髮之效少

答至仁感懼之懷不知所措

梅龍圖

右軾啓軾聞古之君子欲知是人也則觀之以言言之
不足以盡也則使之賦詩以觀其志春秋之世士大夫
皆用此以卜其人之休咎死生之間而其應若影響符
節之密夫以終身之事而決于一詩豈其誠發於中而
不能以自蔽邪傳曰登高能賦可以為大夫矣古之所
以取人者何其簡且約也後之世風俗薄惡漸不可信
孔子曰今吾於人也聽其言而觀其行知詩賦之不足
以決其終身也故試之論以觀其所以是非於古之人

試之策以觀其所以措置於今之世而詩賦者或以窮其所不能策論者或以掩其所不知差之毫毛輒以擯落後之所以取人者何其詳且難也夫惟簡且約故天下之士皆敦朴而忠厚詳且難故天下之士虛浮而矯激伏惟龍圖執事骨鯁大臣朝之元老憂卹天下慨然有復古之心親較多士存其大體詩賦將以觀其志而非以窮其所不能策論將以觀其才而非以掩其所不知使士大夫皆得寬然以盡其心而無有一日之間蒼皇擾亂偶得偶失之歎故君子以為近古軾長於草野不學時文詞語甚朴無所藻飾意者執事欲抑浮剽之

文故寧取此以矯其弊人之幸遇乃有如此感荷悚息不知所裁

韓舍人

右軾啓軾聞古者至治之世天子推恩以收天下之望有司執法以繩天下之媮蓋不推恩則無所兼容不執法則有所僥倖有司推恩而求名則侵君之權天子執法而責實則失民之望為君者常病於察為臣者又失之寬古之明天子信其臣而不惑於多言故有司執法而無所忌古之良有司憂其君而不卹於私計故天下歸怨而不敢辭況欲選材而置官是將教民而圖任唯

所利國豈容樹恩今上推不忍之心使賢愚皆遂其所欲而大臣用至明之法使工拙不至於相消嚮者哀憐者儒故為特奏之令惻惻連坐又開別試之塗此天下所以詠歌至仁鼓舞盛德君臣之體夫豈同條伏惟舍人執事為時求材憂國忘已所圖甚速將深計於安危自信至明曾不牽於毀譽變苟且依違之俗去浮偽踴譁之文罷黜俗儒動以千計講通經術得者九人顧茲小才偶在殊選惟天子推恩如此之厚惟大臣執法如此之堅將天下實被其休功豈一夫獨遂其私願感荷激切不能自勝

范舍人

右執啓聞之古人民無常性雖土地風氣之所稟而其好惡則存乎其上文章之風惟漢為盛而貴顯兼著者蜀人為多蓋相如唱其前而王褒繼其後我冠曳佩大車駟馬徜徉乎鄉閭之中而蜀人始有好文之意絃歌之聲與鄒魯比然而二子者不聞其能有所薦達豈其身之富貴而遂忘其徒耶嘗聞之老人自孟氏入朝民始息肩救死扶傷不暇故數十年間學校寢息天聖中伯父解褐西歸鄉人歎嗟觀者塞塗其後執事與諸公相繼登於朝以文章功業聞於天下於是釋耒耜而

執筆視者十室而九比之西劉又以遠過且蜀之郡數
十軹不敢遠引其他蓋通義蜀之小州而眉山又其一
縣去歲舉于禮部者凡四五十人而執事與梅公親執
權衡而較之得者十有三人焉則其他可知矣夫君子
之用心於天下固無所私愛而於其父母之邦苟有得
之者其與之喜樂豈如行道之人漠然而已哉執事與
梅公之於蜀人其始風動誘掖使聞先王之道其欲度
量裁置使觀 天子之光與相如王褒又甚遠矣軹也
在十三人之中謹因閣吏進拜于庭以謝萬一又以賀
執事之鄉人得者之多也

謝制科啓一首

右軹啓今日某日蒙恩授前件官者臨軒策士方搜絕
異之材隨問獻言誤占久虛之等忽從佐縣擢與評刑
內自顧於無堪凜不知其所措恭惟至治之要惟有取
人之難用法者畏有司之不公故捨其平生而論其一
日通變者恐人才之未盡故詳於採聽而略於臨時茲
二者之相形顧兩全而未有一之於考試而掩之於倉
卒所以為無私也然而才行之迹無由而深知委之於
察舉而要之於久長所以為無失也然而請屬之風或
因而滋長此隋唐進士之所以為有弊魏晉中正之所

執筆視者十室而九比之西劉又以遠過且蜀之郡數
十軹不敢遠引其他蓋通義蜀之小州而眉山又其一
縣去歲舉于禮部者凡四五十人而執事與梅公親執
權衡而較之得者十有三人焉則其他可知矣夫君子
之用心於天下固無所私愛而於其父母之邦苟有待
之者其與之喜樂豈如行道之人漠然而已哉執事與
梅公之於蜀人其始風動誘掖使聞先王之道其欲度
量裁置使觀 天子之光與相如王褒又甚遠矣軹也
在十三人之中謹因聞吏進拜于庭以謝萬一又以賀
執事之鄉人得者之多也

謝制科啓一首

右軹啓今日某日蒙恩授前件官者臨軒策士方搜絕
異之材隨問獻言誤占久虛之等忽從佐縣擢與評刑
內自顧於無堪稟不知其所措恭惟至治之要惟有取
人之難用法者畏有司之不公故捨其平生而論其一
日通變者恐人才之未盡故詳於採聽而略於臨時茲
二者之相形顧兩全而未有一之於考試而掩之於倉
卒所以為無私也然而才行之迹無由而深知委之於
察舉而要之於久長所以為無失也然而請屬之風或
因而滋長此隋唐進士之所以為有弊魏晉中正之所

以為多姦惟是賢良茂異之科兼用考試察舉之法每
中年輒下明詔使兩制各舉所聞在家者能孝而恭在
官者能廉而慎臨之以患難而能不變邀之以寵利而
能不回既已得其行已之大方然後責其當世之要用
學博者又須守約而後取文麗者或以用寡而見尤特
於萬人之中求其百全之美凡與中書之召命已為天
下之選人而又有不可測知之論以觀其默識之能無
所不問之策以效其博通之實至於此而不去則其人
之可知然猶使御史得以求其疵諫官得以考其素一
陷清議輒為廢人是以前由察舉而無請謁公行之私

終用考試而無倉卒不審之患蓋其取人也如此之密
則夫不肖者安得而容軾才不迨人少而自信治經獨
傳於家學為文不顧於世知特以飢寒之憂出求斗升
之祿不謂諸公之過聽使與群豪而並遊始不自量欲
行其志遂竊俊良之舉不知氣力之微論事迂闊而不
能動人讀書踈略而無以應敵取之甚愧得而益慙此
蓋伏過其官德為世之望人位為時之顯處嚴稱函被
四方莫不奔趨議論一加多士以為進退效茲庸末亦
與甄收然而志卑處高德薄寵辱歷觀前輩由此為致
君之資敢以微軀自今為許國之始過以以往未知所

以為多姦惟是賢良茂異之科兼用考試察舉之法每
中年輒下明詔使兩制各舉所聞在家者能孝而恭在
官者能廉而慎臨之以患難而能不變邀之以寵利而
能不回既已得其行已之大方然後責其當世之要用
學博者又須守約而後取文麗者或以用寡而見尤特
於萬人之中求其百全之美凡與中書之召命已為天
下之選人而又有不可測知之論以觀其默識之能無
所不問之策以效其博通之實至於此而不去則其人
之可知然猶使御史得以求其疵諫官得以考其素一
陷清議輒為廢人是以前始由察舉而無請謁公行之私

終用考試而無倉卒不審之患蓋其取人也如此之密
則夫不肖者安得而容軾才不迨人少而自信治經獨
傳於家學為文不顧於世知特以飢寒之憂出求斗升
之祿不謂諸公之過聽使與群豪而並遊始不自量欲
行其志遂竊俊良之舉不知氣力之微論事迂闊而不
能動人讀書踈略而無以應敵取之甚愧得而益慙此
蓋伏過其官德為世之望人位為時之顯處嚴稱函被
四方莫不奔趨議論一加多士以為進退效茲庸亦亦
與甄收然而志卑處高德薄寵厚歷觀前輩由此為致
君之資敢以微軀自今為許國之始過以以往未知所

載

賀楊龍圖啓一首

右軾啓伏審新政直職權司諫垣傳聞延遐竦動觀聽
 咸謂國家之鉅福乃用諫諍之真才必能深言以補大
 化方今朝廷之上躋為無諱而太平之美終不能全臺
 諫之列歲不乏人而衆弊之原猶或未去豈聽之者徒
 能容而不能用言之者但為名而不為功歷觀古人之
 效忠皆因當世而用智不務過直期於必行右尹子革
 因墳典而道析招之詩左師觸龍語擅弼而及長安之
 質徒盡拳拳之意不求赫赫之名此仁人及物之休功

忠臣愛君之至今伏自頃歲所更幾人席未暖而輒遷
 踵相躡而繼去一身之譏固之以免矣而積歲之病當
 使誰去之恐習慣以為常遂因循而不振雖在僻陋顧
 常隱憂以為必得朴忠憂國之人而又加以辯智得君
 之術言苟獲用國其庶幾伏惟諫院龍圖才雄於世而
 常苦不勝節過於人而未嘗自異素練邊事深知兵燹
 頃持銓衡實識官冗必將舉大體而不論小事務實效
 而不為虛名軾最蒙深知愧無少補方傾耳以聽願續
 書諫苑之篇若有待而言或能著爭臣之論阻以在外
 無由至門踴躍之懷實倍倫等

鳳翔到任謝執政啓一首

右軫啓違去軒屏忽已改歲向風瞻戀何翅飢渴前月十四日到任翌日尋已交割訖軾本凡材繆承選取忽從州縣便適賓佐捫躬自省豈不覩幸伏自到任已來日夜厲精雖無過人庶幾寡過伏惟昭文相公素所獎庇曲加搜揚既蒙最深之知遂有自重之意所任簽署一局兼掌五曹文書內有衙司最為要事編木棧竹東下河渭飛芻挽粟西赴邊陲大河有每歲之防敗務有不蠲之課破蕩民業忽如春冰于今雖有優輕酬獎之名其實不及所費百分之一救之無術生以自慙惟有

署置之必均姑使朕勞而無怨過此以往未知所裁

賀吳副樞啓一首

頃聞休命擢領上都曾安坐之未皇已歡聲之布出即欲裁問少通勤拳以為不日當有非常之聞是以未敢輕為率爾之賀逮茲未幾果已如言釋府事之喧繁摠兵權於禁密傳聞四遠歡喜一詞伏惟某官機略足以應無方而有朴忠沉厚之量文華足以表當世而有簡素質直之風置之於都會則其為效也速而所及者廉委之於樞機則其成功也遲而所被者廣深惟賢者之處世皆以得時為至難幸而得之或已老矣今以明公

之至盛正如大川之方增天下方將以未獲之事盡付於明公明公宜愛此不賢之軀以畢其能事區區之意言不能勝

答許狀元啓一首

古軼啓伏以賢俊之士固將有以挾持富貴之來豈能為之損益昔者在貧賤之辱所有無以異於今一朝居豪傑之先而人然後知其貴伏惟狀元簽判廷評以粹美之質負傑異之才自遠方而遊上都以一日而蓋天下士既望風而知不敵人皆歛衽而謂當然苟非素與交遊之流安敢輕為賀問之禮不期謙抑過錄庸虛忽

承牋牘之臨皆自聽聞之誤禮非所稱媿靡自任先皇帝未明求衣久已格於至治洮盟憑几尚不忘於選賢庸登哲民以遺後聖雖喜車旌之名旋興弓劍之悲臣子之心速迹若一即日承已拜命計將就塗念展謁之何時徒向風而永望謹奉啓陳謝不宣

東坡集卷第二十七

啓三十首

謝館職啓一首

賀韓丞相啓一首

荅曾學士啓一首

賀歐陽少師致仕啓一首

賀韓丞相再入啓一首

密州到任謝執政啓一首

荅楊屯田啓二首

謝監司薦舉啓一首

徐州謝兩府啓一首

賀呂副樞啓一首

賀趙大資致仕啓一首

荅陳齋郎啓一首

賀文太尉啓一首

登州謝兩府啓一首

謝中書舍人啓一首

謝翰林學士啓一首

荅試館職人啓一首

荅李寶文啓一首

荅王欽臣啓一首

荅彭舍人啓一首

謝賈朝奉啓一首

賀范端明啓一首

荅范端明啓一首

杭州謝執政啓一首

荅杭州交代啓一首

荅莫提刑啓一首

荅王明州啓一首

謝生日詩啓一首

賀林待制啓一首

謝館職啓一首

試言無取錫命過優進貽朋友之譏退有簡書之畏靦
顏就列撫已若驚國家取士之門至多而制舉號為首
冠育才之地非一而冊府處其最高觀其所以待之蓋
亦可謂至矣知寶玉璵璠難得而易毀故篋櫝以養其
全知榘楠豫章積歲而後成故封殖以待其長施等天
地恩均父師恭惟先帝臨以來四十一載所擢賢良
方正之士十有五人其志莫不欲舉明主於三代之隆
其言莫不欲措天下於泰山之固大則欲興禮樂以範

來世小則欲標數術以馭四夷然而進有後先名有隱
顯命有窮達時有重輕或已踐廟堂之崇或已登侍從
之列或交流落於遠郡或尚滯留於小官或死生之乖
睽已為陳迹或擯斥於罪戾僅夷平民雖曰功名富貴
所由之塗亦為毀譽得喪必爭之地名重則於實難副
論高則與世常踈故雖絕異之資猶有不任之懼執之
內顧豈不自知性任已以直前學師心而無法自始操
筆知不適時會宗伯之選掄疾時文之靡弊權居異等
以風四方不知滿溢之憂復玷良能之舉負賢者所難
之任乎四海欲得之求其為泰愚可為危慄是以一參

賓幕輒蹈危機已嘗名挂於深文不自意全於今日而
況大明繼照百度惟新理財訓兵有鞭笞戎狄之志信
賞必罰有追述祖宗之風凡用人歷試其能苟敗事必
誅無赦此太平可待之日豈不肖兼容之時而乃度越
賢豪曲以微賤縱不能力辭而就下亦當知非分以自
慙此蓋伏遇某官志在斯民仁為已任欲辦大事務兼
寸尺之長將來冬聞故引消埃之助致此忝冒有踰等
倫欲報無緣將何望於頑鄙遇寵知懼庶不至於情媮

賀韓丞相啓一首

右軾啓伏審誕膺策命首冠輔臣四方聳觀萬口同慶

天下幸甚天下幸甚自古在昔治少亂多夫天將欲措
世於大安必有異人之間出使民莫不回心而向道類
非俗吏之所能方陋漢唐將追堯舜洪惟上聖之后春
求一德之臣謂莫如公遂授以政付八音於師曠孰敢
爭能捐六轡於王良坐將致遠引領以望惟日為年恭
以昭文相公全德難名臣才不器願疊申伯之望堂堂
漢相之風出入三朝險夷一節黃爾種羗之叛命慨然
當寧以請行威聲所加臙穢自屏淮蔡既定而裴度相
徐方不回而召虎歸縱復遺種龍荒遊鳧沙海壁之癩
疥豈足爬搔必將訓兵擇帥而授之規摹積穀堅城而

磨以歲月破斧之惡四國實願周公之亟還折箠以鞭
赤眉無煩鄧禹之久外天下是望豈惟一人即日邊徼
苦寒台候何似伏冀為國善調寢興謹奉啓起居

荅曾學士啓一首

伏審祗奉詔恩榮升冊府允厥朝論增輝士林伏惟慶
慰恭以聖神在御政化惟新顧顯俊之無方豈拔賢而
待次賤如莘野猶為席上之珍遠若傳巖盡入彀中之
選而况圭璋之質近生闕閱之家固宜首膺寤寐之求
於以助成肅雍之化府判學士天資粹美儒術講明向
屈處於下儼蓋避嫌而自晦屬文子之請老察少翁之

最賢撫念老成聿求義訓豈獨褒崇之盛典固將樂育
於美材自顧庸虛獲聯齋舍忽捧書詞之辱益知謙德
之光喜愧于心踧踖無措

賀歐陽少師致仕啓一首

伏審抗章得謝釋位言還天眷錙隆莫奪已行之志士
流太息共高難繼之風凡在庇廡共增慶慰伏以懷安
天下之公患去就君子之所難世靡不知人更相笑而
道不勝欲私於為身君臣之恩係縻之於前妻子之計
推葺之於後至於山林之士猶有降志於垂老而况廟
堂之舊欲使辭福於當年有其言而無其心有其心而

無其決愚智共蔽古今一塗是以用捨行藏仲尼獨許
於顏子存亡進退周易不及於賢人自非智足以周知
仁足以自愛道足以忘物之得喪志足以一氣之盛衰
則孰能見幾禍福之先脫疑塵垢之外常恐茲世不見
其人伏惟致政觀文少師全德難名巨材不器事業三
朝之望文章百世之師功存社稷而人不知躬履艱難
而節乃見縱使耄期焉老猶當就見質疑而乃力辭於
未及之年退託以不能而止大勇若怯大智如愚至貴
無軒冕而榮至仁不導引而壽較其所得孰與昔多軾
受知最深聞道有自雖外為天下惜老成之去而私喜

明哲得保身之全伏暑向闌台候何似伏冀為時自重
少慰輿情

賀韓丞相再入啓一首

伏觀詔書登庸舊德傳聞四海歡喜一辭竊以君臣之
間古今異道任法而不任人則責輕而憂淺庸人之所
安任人而不任法則責重而憂深賢者之所樂凡吾君
所以推心忘已一切不問而其所為蓋其後必將責報
收功三年有成而底於至治自非量足以容物智足以
知人強以濟艱難勇足以斷取捨則何以首膺民望力
報主知恭惟史館相公忠誠在天德望冠世如乾之中

正挺然而純粹精如坤之六二墮然而直方大更練三朝之用捨出入四方之險夷疲民系心有識引領必將發其蘊蓄以次施行始緩獄以裕民終措刑而隆禮軾登門最舊荷顧亦深喜抃之懷實倍倫等

密州到任謝執政啓一首

蒙恩授前件差遣已於今日三日趕上訖帶山負海號為持節之邦多病無功久在散材之目授非所稱愧靡自任矧茲願治之辰方以求賢為急宜得敏銳兼人之器以副厲精更化之懷如軾者天與愚忠家傳朴學議論止於汙俗交遊謂之陳人出佐郡條存更歲筭雖謹

脫網羅之患然卒無毫髮之稱豈伊寵榮偶及衰鈍此蓋伏遇某官股肱元聖師表萬邦欲隆太平極治之風故開蕪收並採之路重使一夫之不獲特指支郡以見收荷恩至深論報何所謹當鐫磨朽鈍策疲驚雖無望於功名庶少逃於罪戾過此以往未知所裁

答楊屯田啓二首

伏承任顧寵示長書禮數過隆既匪妄庸之稱文詞深厚足為表拙之光反復究觀愧汗交集伏惟通判屯田學深經術名重薦紳頃者劔外屈臨百里之間已是部中受賜一人之數豈伊幸會復此逢迎聽其言信仁人

之博哉居是邦蓋大夫之賢者欲報瓊瑤之規適苦簿
書之煩言之不文尔以為好

又

向者不遺特蒙枉顧愧無琴瑟旨酒以樂我嘉賓但喜
直亮多聞真古之益友謂將繼此而得見豈意闕然而
有行伏讀誨音惟知感歎伏惟通判七田才猷通敏學
術深純非獨東州把梓之珍將為清廟瑞輿之寶暨臨
邊服行履要津而執早以空疎加之衰病不緣墮官而
罷去則當引分以歸耕自茲恐遂有出處之踈故臨紙
不能無悵悵之意惟祈自重少副下情

謝監司薦舉啓一首

猥以庸虛過蒙知遇既免尤謹復加薦論自省孤危加
之衰病主而賦朴野之性愚不識禍福之機但知任已
以直前不復周防而慮後動觸時忌言為身災擠而去
之則為有功引而進之亦或招悔自非不以利祿為意
而以仁厚為心願茲鈍頑誰肯收錄伏惟某官時望至
重主知已深方將長育於群材專務掩覆於小過憐其
謀身之甚拙進絕望而退無歸知其為政之雖迂歲有
餘而日不足特矯世俗借之齒牙執敢不祗畏簡書益
自脩飭豈云報德苟不辱知過此以還未知所措

徐州謝兩府啓一首

移守河中已愧超陞之異改臨泗上仍叨藩鎮之雄既見吏民周覽風俗地形襟要當東南水陸之衝民食艱難正春夏旱蝗之際宜得一時之循吏以安千里之疲氓如軼者才不逮人學非適用早塵策府自知拙直之難安屢乞守符意謂苟全之善計然自往來三郡首尾七年足踰危機僅脫風波之險心存吏役都忘學術之源既未決於歸耕敢復求於善地伏遇某官權衡萬物高下一心頑礪悍堅實費陶鎔之力散材踈惡徒施封殖之恩謹當筆算疲駑鰥磨朽鈍上酬天造次答已知

賀呂副樞啓一首

伏審近膺告命入總樞機中外聳觀朝廷增重伏惟慶慰竊以古之為國權在用人德厚者輔其才而名益隆望重者無所為而人自服是以淮南叛國先止謀於長孺汾陽元老尚改觀於公權樽俎可以折衝藜藿為之不採哀比風流之莫繼久矣寂寥而無聞天亦厭於凡才上復思於舊德恭惟樞密侍郎性資仁義世濟忠嘉豈惟清節以鎮浮固已直言而中病出領數郡若將終身小人謂之失時君子意其復用迨茲顯拜夫豈偶然礪荷三朝兩世之恩當春秋賢者之責推之不去凜乎

其難進伯玉而退子瑕人皆望於門下烹桑羊而斬樊
噲公無愧於古人莫若盡行疇昔之言庶幾大慰天下
之望軾登門最舊稱慶無緣踴躍之懷實信倫等

賀趙大資致仕啓一首

伏審抗章得謝奉冊言還摺紳從觀閭里相慶竊謂富
貴不為至樂功名非有甚難樂莫樂於還故鄉難莫難
於全大節歷數當今之卿相或寓他邦究觀自古之忠
賢少有完傳錦衣而夜行者多矣狐裘而羔袖者有之
至若百行渾圓五福純備當世所羨非公而誰恭惟致
政大資少保道心精微德望宏遠無施不可尤高臺諫

之固所臨有聲最宜吳蜀之政才不究於大用命乃係
於生民與時偕行不可則止見故人而一笑綽有餘歡
念平生之百為一無可恨方將深入不二獨遊無何默
追繁可之風坐致喬松之壽軾荷知有素貪祿忘歸慕
鸞鶴之高翔眷樊籠而永歎傾頌之素敷寫莫窮

荅陳齋即啓一首

伏審祗膺寵命榮踐身塗拜慶庭闈溢歡聲於觀者馳
書士友挾華藻之燦然顧此衰羸實難當捧伏惟齋即
天資深茂學術淹通經行兩純窮達一操久困有司之
尺度退從老圃於丘園陋彼素餐是聞也非達也凜然

遺直惟有之則似之假道一官權輿千里幅巾藜杖願
為二老之風流甲第高門坐看諸郎之富貴欣頌之至
筆舌難周

賀文太尉啓一首

伏審孚號揚庭臨軒遣使出節少府拔鉞齋壇夷夏稽
觀兵民交慶蓋功業盛大則極名器而後稱惟德度宏
遠故舉富貴而若無爵為三世之宗臣豈獨一時之盛
事恭惟留守太尉文文道本天合德為人師信及三川
之豚魚威加兩河之草木身任休戚言為重輕始若留
侯弱冠而遇高祖晚同尚父共黃髮而亮武王既奉冊書

益新民聽方將威懷北虜乃係頸長纓約束河公軌流故
道然後入調伊傅之鼎歸躡松喬之游輿論所期斯言
可必軾謫官有限趨侍無緣踴躍之心宣寫難盡

登州謝兩府啓一首

右軾啓蒙恩授前件官已於今日十五日到任上訖者
迂愚之守沒齒不移廢逐之餘歸田已幸豈謂承宣之
寄忽為枯朽之榮眷此東州下臨北徼俗近齊魯之厚
迹皆秦漢之陳賓出日於麗譙山川炳煥傳夕烽於海
嶠鼓角清閑顧靜樂之樂名笑妄庸之竊據此蓋伏遇
其官股肱元聖師保萬民才全而德不形任重而道愈

遠謂使功不如使過而過足以知仁特借齒牙曲成羽翼軾敢不服勤薄領祇畏簡書策蹇磨鉛少吝非常之遇息黥補劓漸收無用之身過此以還未知所措

謝中書舍人啓一首

右軾啓蒙恩授前件官者起於賤所未及暮年擢置周行遽叅法從省躬無有被寵若驕竊惟人材進退之間實為風俗隆替之漸必欲致治在於積賢雖一薛居州齊言不能移楚而用范武子晉盜可使奔秦崔琰進而廉儉成風楊綰用而滂侈改度誠國是之先定雖民散而可收拔茅茹者以彙而征附馬棧者必先其直用舍

既見好惡自明人知所趨勢有必至今朝廷方講當世之務力進前代之隆雖改定法令之以便事而未足以安民寬徭賦役之以安民而未足以成俗是以登進者老搜求雋良將使士知向方民亦有恥如軾者山林下士軒冕弃材少而學文本敵律雕蟲之技出而後仕有狂狷嬰鱗之患溝中不顧於青黃藥下無心於宮徵誤蒙收拾已出優恩眷履禁嚴殊泚素望此蓋伏遇某官德配前哲望隆本朝名重圭璋上助廟堂之用言為著蔡下同卿士之謀餘論所加虛名增重知丹心之尚在憐白首之無歸特借寵光以寬衰病任隆才下恩重報

輕直道而行恐非所以安愚不肖之分充位而已又不
足以解卿大夫之憂蚤夜以思進退惟谷恐懼戰越不
知所裁

謝翰林學士啓一首

叨奉寵恩擢居禁近任逾器表憂與愧并內自顧於哀
遲宜退安於冗散豈期晚節伏與英遊此蓋伏遇某官
德配先民望隆多士至誠樂與共推人物之評雅量薰
容曲借齒牙之末致茲朽鈍亦踐高華方修問之未皇
遽移書之見及其為感佩難盡敷陳

答試館職人啓一首

伏承射策玉堂方觀筆陣校文天祿逐秀儒林黨友增
華搢紳共慶國家求賢之道必於閑暇無事之時賢者
報國之功乃在緩急有為之際養之無素則一旦欲用
而何由待以非常則臨事欲辭而不可故納之於英俊
相從之地觀之以世俗不見之書非獨使之業廣而材
成抑將待其深而望重某官學優而仕行浮於名詞令
從容議論慷慨追還正始七人章為之一新傳寫都城紙
墨幾於驟貴得士之喜非我敢私軾衰病侵尋文思荒
落職在翰苑當發策而莫辨其識匪通儒懼品藻之不稱
過煩臨貺寵以書詞未為中筭之珍愧之瓊瑤之報

荅李寶文啓一首

伏審祇奉異恩遠臨全蜀至文寶訓方入直於禁嚴井
絡提封旋出分於憂顧風以所暨謠頌率同恭惟知府
寶文望重搢紳材宜廊廟言之金石蓋暗然而日彰浩
若江河固窮之而益遠西南之俗信服已深民物子來
氣復岷峨之舊舟車雲集惠通秦楚之商曾未下車已
聞報政軼倦游滋久寤寐懷歸空詠甘棠之思莫展維
桑之敬悵焉永望言不寫心

荅王欽臣啓一首

伏審祇奉明綰特膺異選以高才望冊府以令德正僕
臣側聞除書大慰輿論伏惟太僕學士文鳴早歲學配
前人豫章雖老於中林瑚璉終升於清廟萬事不理問
伯始而可知三箴雖亡得安世而何患清塗方踐遠業
難量愧修慶之未皇辱移書之見及感佩之至但切下
懷

荅彭舍人啓一首

伏審顯膺宸命進直掖垣除日播騰輿情欣屬國家重
正百官之治聿追三代之隆用事考言因名責實然而
憲臺省闈無預於文詞儒館學宮不關於政理惟此六
押之任要須二者之長非該通經術則不足以代王言

非曉達文方則不足以分省事是為文士之極任豈止
時人之美談果有真才來膺妙選伏惟某官道師古始
識造精微學窮游夏之淵源文列傳班之伯仲自期甚
厚所得寔多射策決科嘗魁天下之士犯顏逆指有古
名臣之風粵從言動之司承掌絲綸之美璠璣美質豈
獨一時宗廟之華祀梓異材固為後日棟梁之用軾備
真法從竊庇餘光聊陳輿誦之言少荅函封之辱其為
欣佩莫究頌言

謝賈朝奉啓一首

右軾啓自蜀徂京幾四千里携孥去國蓋二十年側聞

松楸已中梁柱過下而馬空瞻董相之陵醉以隻鷄誰副
橋公之約宦游歲晚坐念涕流未報不貲之恩敢懷盍
歸之意常恐樵牧不禁行有雍門之悲雨露旣濡空引
太行之望豈謂通判某官政先慈孝義篤友朋首隆學
校之師儒次訪里閭之耆舊自嗟來暮不聞拔薤之規
尚意神交特致生芻之奠父老感歎桑梓光華深衣練
冠莫克重瀆於墓道昔編今榜尚能鼓舞於民謠仰佩
之深力占難盡

賀范端明啓一首

右軾啓恭承明詔追錄舊勲名陞祕殿之嚴實遂安車之

養仍惟餘澤以及後昆間命以還有識相慶竊謂死生
之事聖賢有不能了父子之際古今以為難言方其犯
雷霆於一時豈意收功名於今日惟天知我絕口不言
偉事發之相重非人謀之所及恭惟致政端明學士至
誠格物隱德在人弼亮四世如畢公壽考百年如衛武
獨立不懼舍之則藏惟有青蒲之言尚在金縢之匱白
日一照浮雲自開坐使遺民復觀盛事子孫歸沐下萬
石之里門君相乞言授三老之几杖更延眉壽永作元
龜軼無任歡喜頌詠激切之至

荅范端明啓一首

伏審參稽古樂追述新書琢石鑄金成之有數立鈞出
度施及無窮摛紳雲集於奉常端冕天臨於便座偉茲
壯觀自我元臣竊以樂之盛衰寄於人之存否秦漢以
下鄭衛肆行雖喜三雍之成旋違五胡之亂平陳之後
粗獲雅音天寶之中遂雜胡部道喪久矣孰能起之獨
求三代之遺聲允屬四胡之舊德恭惟致政端明文文
耄期稱道直亮多聞進不謀安昔既以身而徇義退猶
憂國今推所學以及人豈惟盡力於考音至復傾家而
制器蓋事闕於治忽必幽贊於神明得商頌十二篇於
周大師雖賢者之事也獲古磬十六枚於犍為郡豈偶

然而已哉軾本非知音之人空荷移書之辱况觀累日
喜愧兼懷徒誦誅於再三豈發明於萬一

杭州謝執政啓一首

右軾啓小器易盈宜處不爭之地大恩難報終為有愧
之人到郡決旬汗顏數四湖山如舊魚鳥亦怪其衰殘
爭訟稍稀吏民習知其遲鈍雖尚嬰於寵劇庶漸即於
安閑顧此蠢愚亦蒙徵倖此蓋伏遇某官輔世以德事
君以仁嘉善而矜不能與人不求其備故令狂直得保
始終指步武於夷途收桑榆之暮景軾敢不欽承令德
推本上心政拙惟科自占陽城之考茲容獄市敢師齊

相之言庶寡悔尤少償和遇

答杭州交代啓一首

右軾啓罷直禁中本緣衰病分符浙右更竊寵榮旣尋
少壯之舊游復繼老成之前躅養病卧治之所蒙成坐
嘯之餘顧此鈍頑實為忝昧伏惟知府待制宏才緯俗
雅望鎮浮神馳方切於望塵心照已先於傾蓋借之餘
潤成此虛名滕大夫之才豈堪治劇楚令尹之政或許
告新望見有期瞻依愈切

答莫提刑啓一首

右軾啓得請江湖雖適平生之願劇煩獄市豈堪老病

之餘賴茲德大而容愍其心勞而愈拙故於始至借
以一言此蓋伏遇提刑某官威肅列城德懷雅俗雖在
按臨之屬吏部不忘宿昔之友情豈獨敦忠厚之風折以
增衰朽之重其為感忤未易名言

答王明州啓一首

伏審奉詔牧民消辰莅事教條清簡曾無顧指之勞吏
下肅承皆有心服之敬風聲所暨鄰境為先伏惟知府
龍圖迪哲而文剛中莫屈大辯若訥耻為利口之言小
智自私誰識仁人之勇道不容於群枉身乃獲於退安
回觀爭奪之塗日有榮枯之變坐嘯之樂勿以語人強

食自願猶當為國

謝生日詩啓一首

蓬矢之祥雖世俗之所尚蓂莢之感迨衰老而不忘豈
謂某官意重瓊瑤文成黼黻推仁心而錫類出妙語以
噓枯攝提正於孟陬已光初度月宿直於南斗更借虛
名永惟難報之珍但結無窮之好

賀林待制啓一首

伏審圖舊聖時陞華法從僉言諧允有識歎咨萬木歲
寒配喬松於巨栢衆星夜艾凜明月與長庚芥藻昌朝
領袖後進傳聞四遠歡喜一詞恭惟某官名重弱齡望

高晚節文章爾雅蓋西漢之餘風惘惘無華亦東京之
循吏凡閱四朝而後用獨為三館之老臣著書已成特
未寫之琬琰立功何晚會當收之桑榆軾交舊最深慰
喜良甚尺書為賀鄙志莫宣

東坡集卷第二十七



